



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, AKUHATA 11, 1921.

Whakaatu kua mutu etahi Whenua te ekengia e Wahi XV o te Ture Whenua Maori, 1909.

JELLICOE, Kawana-Tianara.

OTA KAUNIHERA.

I te Whare o te Kawana i Poneke, i tenei te rua tekau ma waru o nga ra o Hurae, 1921.

Tu ana i reira:

KO TE HONORE SIR FRANCIS BELL, HEI TUMUAKI MO TE KAUNIHERA.

NO TEMEA kua meinga hei ture e tekiona iwa tekau ma ono o te Ture Whakatikatika Ture Whenua Maori, 1913, ka ahei te Kawana-Tianara i ia wa i ia wa, i runga i te Ota Kaunihera, ki te ki ko tetahi whenua e ekengia ana e Wahi XIV e Wahi XV ranei o te Ture Whenua Maori, 1909 (ka huaina i raro nei ko "taua Ture"), a kua tau atu hoki ki tetahi Poari Whenua Maori, me mutu te ekengia e aua Wahi o taua Ture, a me whakahoki atu ano ki nga Maori no ratou taua whenua.

A notemea ko te whenua e whakaaturia nei e te Kupu Apiti ki tenei, e ekengia ana i naiane e Wahi XV o taua Ture, a kua tau ki te Poari Whenua Maori o te Takiwa o Tokerau, a kua whakaee taua Poari me mutu te ekengia o taua whenua e taua Wahi XV o taua Ture, engari me whakahoki atu ki nga Maori no ratou taua whenua.

A notemea kua marama te Kawana-Tianara kaore taua whenua e ekengia ana e tetahi rihi, raihana, kanataraka hoko, abua tuku ke atu ranei, a kaore kau he moni e pungai a ana ki taua whenua ki nga reweniu ranei o taua whenua i raro i nga tikanga o taua Ture o tetahi mana ke atu ranei.

Na reira, ko His Excellency te Kawana-Tianara o te Tominiona o Niu Tiren i runga i te whakahaerenga me te whakatutukitanga i nga kaha me nga mana kua whakawhiwhia ki a ia e tekiona iwa tekau ma ono o te Ture Whakatikatika Ture Whenua Maori, 1913, a i runga hoki i te tohutohu me te whakaee a te Kaunihera Whiriwhiri o taua Tominiona, tenei ka panui ko te whenua e whakaaturia nei e te Kupu Apiti ki tenei kua mutu te ekengia e Wahi XV o te Ture Whenua Maori, 1909, engari me whakahoki atu ki nga Maori no ratou taua whenua.

KUPU APITI.

KATOA tera wahi whenua, tona nui e 7 nga eka, nui atu iti iho ranei, e mohiotia ana ko Rahuikotuku Nama 2 Poraka, kei roto i te Takiwa Ruuri o Kawakawa, Takiwa Whenua o Akarana Raki.

C. A. JEFFERY,
Karako Riiwhi o te Kaunihera Whiriwhiri.

Kahiti—A.

Whakamana i te Poari Whenua Maori ki te Tuku-a-hoko i etahi Whenua i raro i te Ture Whenua Maori, 1909.

JELLICOE, Kawana-Tianara.

OTA KAUNIHERA.

I te Whare o te Kawana i Poneke, i tenei te rua tekau ma waru o nga ra o Hurae, 1921.

Tu ana i reira:

KO TE HONORE SIR FRANCIS BELL, HEI TUMUAKI MO TE KAUNIHERA.

NO TEMEA ko te whenua e whakahuatia nei i roto i te Kupu Apiti ka pa ki reira te Wahi XIV o te Ture Whenua Maori, 1909:

A notemea kua whakaritea e wahanga-tekiona toru o tekiona rua rau e toru tekau ma iwa o te Ture Whenua Maori, 1909, ahakoa tetahi kupu kei roto i taua tekiona, ka ahei te Kawana-Tianara i runga i te Ota Kaunihera, i runga i te kupu tohutohu a te Poari o te takiwa kei reira nei taua whenua e takoto ana, i ia keehi e whakaaro ana ia kaore e taea kaore ranei e pai mo te taha ki te iwi nui tonu mo te taha ranei ki nga iwi Maori no ratou kia riterite tonu te wehewehenga o taua whenua i runga i nga huarahi kua kiia ake nei, ki te whakamana kia weheweheha taua whenua i runga i tetahi atu ahua wehewehenga, ki te whakaee ranei i te katoa o taua whenua kia tukuna atu i runga i te hoko i te rihi ranei.

A notemea kua tohutohu mai te Poari Whenua Maori o te Takiwa o Tokerau he mea pia kia tukuna i runga i te hoko te whenua katoa e whakaaturia nei e te Kupu Apiti ki tenei:

No reira, ko His Excellency te Kawana-Tianara o te Tominiona o Niu Tiren, a i runga hoki i te tohutohu me te whakaee a te Kaunihera Whiriwhiri o taua Tominiona, tenei ka whakamana kia tukuna i runga i te hoko taua whenua katoa e whakaaturia nei i roto i te Kupu Apiti ki tenei.

KUPU APITI.

KIRIKIRI-PAWHAOA A Nama 3 Poraka, Takiwa Ruuri o Whangaruru: Tona nui e 246 nga eka e 2 nga ruuri.

C. A. JEFFERY,
Karako Riiwhi o te Kaunihera Whiriwhiri.

Whakakorenga i te Raihana Kai-whakamaori.

Tari Maori, Poneke, 9 o Akuhata, 1921.

KUA pai a His Excellency te Kawana-Tianara ki te whakakore i te raihana i whakaputaina nei ki a JOHN EDWARD ESPIE, o Kihipane, whakamana i a ia hei kai-whakamaori o te Karaihe Tuatahi i raro i te Ture Whenua Maori, 1909, me nga Rekureihana i raro i taua Ture,

J. G. COATES, Minita Maori.